

fram skriflegt samþykki þar um við skráningu hunds. Gildir það þar til sveitarstjórn berst skrifleg afturköllun frá einhverjum íbúa hússins.

- f) Hundeiganda ber að hlíta að öðru leyti lögum og reglum er hundahald varða, þar á meðal reglum um árlega hreinsun hunda og greiðslu hundaskatts svo og fyrirmælum sem heilbrigðisnefnd setur.

3. gr.

Við brot gegn skilyrðum á samþykkt þessari skal fjarlægja viðkomandi hund. Skal hundinum komið fyrir í vörslu sé um minniháttar brot að ræða. Skal eigandi hunds þá leysa hann út gegn greiðslu alls kostnaðar vegna brotsins. Sé um að ræða alvarlegt brot eða ítrekað afturkallast viðkomandi leyfi til hundahalds.

Hreppsnefnd er heimilt hvenær sem er að afturkalla leyfi fyrir einstökum hundum eða öll veitt leyfi, telji hún þess þörf.

4. gr.

Hundar úr nærliggjandi sveitum, sem ekki eru í fylgd með eiganda eða umráðamanni, svo og aðrir ómerktir hundar skulu teknir úr umferð. Gefi eigandi sig ekki fram eða vitji hans innan tveggja sólarhringa hefur lögreglan heimild til að lóga viðkomandi hundi þegar í stað. Merktir hundar á flækingi skulu einnig teknir úr umferð. Ef eigendur vitja þeirra ekki innan eins sólarhrings og svara ekki til saka fyrir brot á samþykkt þessari hefur lögreglan heimild til þess að lóga hundinum án frekari fyrirvara.

Hunda, sem ráðast á menn eða skepnur skal fjarlægja og þeim lógað þegar í stað.

5. gr.

Lögreglustjóri og heilbrigðisnefnd hafa eftirlit með hundum skv. samþykkt þessari og skulu þeir tilkynna sveitarstjóra tafarlaust um allar kærur, sem þeim berast vegna meintra brota á samþykktinni.

6. gr.

Ofangreind samþykkt sveitarstjórnar Nesjahrepps staðfestist hér með skv. lögum nr. 7/1953, um hundahald og varnir gegn sullaveiki, og lögum nr. 12/1969, um hollustuhætti og heilbrigðiseftirlit, til þess að öðlast gildi þegar við birtingu.

Heilbrigðis- og tryggingamálaráðuneytið, 4. september 1981.

F. h. r.

Páll Sigurðsson

Ingimar Sigurðsson.

30. september 1981.

Nr. 566.

Staðfesting forsetans á skipulagsskrá fyrir útgáfuna Skálholt, Reykjavík, útgefin á venjulegan hátt að mandatum af dómsmálaráðherra 30. september 1981.

Skipulagsskráin er þannig:

SKIPULAGSSKRÁ
fyrir útgáfuna Skálholt.

Kirkjuráð þjóðkirkju Íslands stofnar hér með til sjálfseignarstofnunar með eftirfarandi skipulagsskrá:

1. gr.

Stofnunin heitir Útgáfan Skálholt og er sjálfseignarstofnun, sett á fót að frumkvæði Kirkjuráðs og Þjóðkirkju Íslands.

2. gr.

Heimili stofnunarinnar og varnarþing er í Reykjavík.

3. gr.

Kirkjuráð leggur stofnuninni til sem stofnfé 50 000 krónur.

Enn fremur leggur Kirkjuráð til stofnunarinnar firmaheitið Skálholt og blaðheitið Víðförli, en eigendur þessara heita gáfu þau Þjóðkirkjunni til að þau rynnu til stofnunarinnar.

4. gr.

Tilgangur stofnunarinnar er útgáfa blaðs, Víðförla, og bóka, bæklinga eða tímarita, þar sem kristin sjónarmið verða flutt og skýrð.

Ennfremur skal stofnunin hafa forgöngu um að samræma útgáfumál Þjóðkirkjunnar.

5. gr.

Stofnunin ber ábyrgð á skuldbindingum sínum með stofnfé og þeim eignum, sem hún kann að eignast með öðrum hætti.

6. gr.

Stjórn stofnunarinnar skipa níu menn, sem kjörnir skulu til þriggja ára í senn, í fyrsta sinn tilnefndir af Kirkjuráði. Þrír skulu ganga úr stjórn á ári, og kýs aðalfundur tvo í þeirra stað, en Kirkjuráð tilnefnir hinn þriðja.

Fyrir aðalfund fyrstu tvö árin skal varpa hlutkesti um, hvaða menn úr upphaflegri stjórn skulu ganga út.

Kjörtímabil nýrra stjórnarmanna hefst að loknum aðalfundi.

Stjórnin skal koma saman til fundar að minnsta kosti tvisvar á ári, auk aðalfundar.

Stjórnin markar stefnu stofnunarinnar og ber ábyrgð á henni.

7. gr.

Aðalfund stofnunarinnar skal halda fyrir 1. apríl ár hvert, og er hann lögmætur, ef $\frac{2}{3}$ stjórnarmanna hið fæsta eru á fundi. Til aðalfundar skal boða bréflega með hálfmánaðar fyrirvara hið skemmsta.

Aðalfund sitja stjórnarmenn, og hafa þeir þar einir kosningarétt. Til aðalfundar skal auk þess boða framkvæmdastjóra stofnunarinnar, ritstjóra Víðförla og formann útgáfuráðs, og hafa þeir málfrélsi og tillögurétt. Auk þess getur framkvæmdanefnd boðið öðrum til aðalfundar.

8. gr.

Að loknum aðalfundi skal senda ríkisendurskoðanda ársreikning stofnunarinnar. Skipun stjórnar og breytingar á henni skal auglýsa í Lögbirtingablaði.

9. gr.

Dagskrá aðalfundar skal vera þessi:

1. Skýrsla stjórnar.
2. Endurskoðaðir reikningar stofnunarinnar lagðir fram til samþykktar.
3. Ákvörðun um ráðstöfun hagnaðar í samræmi við 15. gr.
4. Kjör tveggja manna til þriggja ára í stjórn, og tilkynning um tilnefningu eins manns af hendi Kirkjuráðs til sama tíma.

5. Kjör tveggja endurskoðenda til eins árs.
6. Tillögur til breytinga á skipulagsskrá, ef fram koma.
7. Önnur mál.

10. gr.

Nýkjörin stjórn kys sér formann á fyrsta fundi sínum og ritara til eins árs, og eru þeir ekki kjörgengir til framkvæmdanefndar.

Stjórnin kys á sama fundi úr sínum hópi þrjá menn í framkvæmdanefnd og einn til vara. Allir stjórnarmenn eiga rétt til setu á fundum framkvæmdanefndar.

11. gr.

Framkvæmdanefnd kys sér formann og skiptir að öðru leyti með sér verkum. Hún ber ábyrgð á daglegu starfi stofnunarinnar. Hún hefur heimild til að taka lán fyrir hönd stofnunarinnar og veðsetja eignir hennar.

Tveir framkvæmdanefndarmenn saman skuldbinda stofnunina.

12. gr.

Framkvæmdanefnd skal eigi halda færri fundi en tíu árlega. Framkvæmdanefnd ræður framkvæmdastjóra stofnunarinnar og ritstjóra Viðförla, að fengnum tillögum stjórnar, setur þeim erindisbréf og ákveður þeim laun.

Viðförli skal vera vettvangur kristinna skoðana í umræðum liðandi stundar, flytja fréttir af kristilegu starfi innan lands og utan, auk annars efnis.

13. gr.

Stjórnin skipar árlega fimm menn til setu í útgáfuráði stofnunarinnar og ákveður formann ráðsins. Útgáfuráð er stjórn stofnunarinnar til ráðuneytis um val á bókum til útgáfu, og til ráðgjafar um ýmis önnur verkefni, t. d. útgáfu Viðförla, eftir því sem stjórnin óskar.

14. gr.

Reikningsár stofnunarinnar er almanaksárið.

Um bókhald stofnunarinnar og reikningsskil skal fara eftir gildandi lögum um bókhald, nú lögum nr. 51, 2. maí 1968, og góðum reikningsskilavenjum.

Ársreikningur stofnunarinnar, endurskoðaður af löggiltum endurskoðanda, auk endurskoðenda stofnunarinnar, skal liggja frammi til athugunar fyrir stjórnarmenn viku fyrir aðalfund.

15. gr.

Ef hagnaður verður af starfsemi stofnunarinnar, skal honum varið til eflingar hennar í samræmi við 4. gr.

Þó er aðalfundi heimilt að ráðstafa hagnaði til sérstaks verkefnis til eflingar kristinnar eða til styrktar einstakri starfsemi eða stofnun á vegum kirkjunnar. Slík ráðstöfun skal vera samþykkt samhljóða.

16. gr.

Verði ákveðið að leggja Útgáfuna Skálholt niður, skulu allar eigur stofnunarinnar renna til líknarmála á vegum þjóðkirkjunnar eða annarra verkefna hennar eftir nánari ákvörðun stjórnar og Kirkjuráðs. Slit stofnunarinnar geta ekki átt sér stað nema með samráði stjórnar og Kirkjuráðs.

17. gr.

Tillögur um breytingar á skipulagsskrá þessari ná fram að ganga, ef þær hljóta fylgi $\frac{2}{3}$ hluta atkvæða stjórnar. Ákvæðum 15. og 16. gr. má þó ekki breyta.

Tillögur til breytinga á skipulagsskrá skulu hafa borist framkvæmdanefnd viku fyrir aðalfund og liggja frammi ásamt reikningum sjálfseignarstofnunarinnar.

18. gr.

Leita skal staðfestingar forseta Íslands á skipulagsskrá þessari.

Nr. 567.

25. september 1981.

Staðfesting forsetans á skipulagsskrá fyrir Byggingarsjóð dvalarheimilis aldraðra, Eskifirði, útgefin á venjulegan hátt að mandatum af dómsmálaráðherra 25. september 1981.

Skipulagsskráin er þannig:

SKIPULAGSSKRÁ

Byggingarsjóðs dvalarheimilis aldraðra, Eskifirði.

1. gr.

Sjóðurinn heitir Byggingarsjóður dvalarheimilis aldraðra, Eskifirði.

2. gr.

Tilgangur sjóðsins er að stuðla að byggingu dvalarheimilis fyrir aldraða borgara Eskifjarðar og næsta nágrennis.

3. gr.

Stofnfé sjóðsins er kr. 10 000,00 —, tíu þúsund krónur $\frac{00}{100}$, sem Lionsklúbbur Eskifjarðar leggur fram.

4. gr.

Sjóðurinn tekur á móti minningar- og dánargjöfum svo og almennum gjöfum.

Allar gjafir skal skrá í sérstaka gjafabók.

Sjóðurinn má gefa út minningarspjöld.

5. gr.

Stjórn sjóðsins tekur ákvörðun um framlag úr sjóðnum hverju sinni.

6. gr.

Stofnfé sjóðsins má aldrei skerða. Sjóðinn skal ávaxta þar sem sjóðsstjórn telur arðbærast og tryggast.

7. gr.

Stjórn sjóðsins skipa fimm menn og fjórir til vara. Bæjarstjórn Eskifjarðar tilnefnir einn stjórnarmann, hreppsnefnd Helgustaðahrepps einn, Lionsklúbbur Eskifjarðar einn, Kvenfélagið Dögginn einn. Sömu aðilar tilnefna varamenn. Þá skal heilsugæslulæknirinn á Eskifirði eiga sæti í sjóðsstjórn.

Stjórnin kys sér formann og ritara.